

Powšitkowne WOZJEWJENJA

njedźelu, 1. meje 2016

TCM wuhotuje mejski nyšpor w Róžeńće

Na našim serbskim hnadownym městnje w Róžeńće sławmy a prošmy mać Božu wo zastupnu próstwu pola jeje syna Jězu Chrysta za naš lud a kraj: zo bychmy dale žiwje wěрили do zrowastanjeného Chrystusa. Do pačerja chcemy tež wšu swětowu cyrkej zapřijeć a so wo měr na zemi modlić.

W tutym zmysle přeprašuju w mjenje Towarstwa Cyrila a Metoda z.t. (TCM) wěriwych ze wšitkich wosadow njedźelu, 8. meje, w 17.00 hodź. na wosebity mejski nyšpor do hnadowneje cyrkweje w Róžeńće. Radworscy wosadni jón wobrubja.

Jurij Špitank, předsyda TCM

Pišćełe a gregorianika

Přichodny koncert w rjedže Duchowna hudźba wotměje so njedźelu, 1. meje, we 18 hodź., w Budyskej tachantskej cyrkwi swjateho Pětra. Zaklinča drohoćinki francoskeje pišćeloweje hudźby, mjez druhim misa François Couperina a wobdžěłany hymnus „Ave maris stella“ Nicolasa de Grignya. Na pišćelach zahraje młody Budyski organist Feliks Brojer. K tomu zaspěwa šola Budyskeho tachantskeho chóra gregorianske pěsnje pod nawodom cyrkwinskohudźbného direktora Friedemanna Böhme. Wšitcy su wutrobnje přeprašene.

Zhromadny dzeń za 3. a 4. lětnik

Pod hesłom „Hdyž Swjaty Duch mje napjelni“ přeprašuje dekanatne dušepastyrstwo džěci 3. a 4. lětnika sobotu, 14. meje, wot 9 do 15 hodź. do Don Boskoweho domu we Worklecach. Zajimcy njech so prošu hač do wutory, 10. meje, pod telefonowym čisłom (03 57 96) 8 87 07 we Worklecach přizjewja. Za wudawki dnja zběra so wot kóždého wobdžělnika přinošk we wysokosci štyrjoch eurow.

Putnikowanje staršich a chorych ludži do Różanta

Putnikowanje staršich a chorych ludži ze serbskich wosadow do Różanta budže sobotu, 7. meje. Wot 13 hodź. budže přiležnosć k swjatej spowědži. Modlenje swjateho różowca započnje so w 13.30 hodź. Różowcej přizamknje so w 14 hodź. Boža mša, kotruž změje farar Gabriš Nawka. Na njej wudžěli so tym, kotřiž sej to přeja, žalbowanje chorych. Po kemšach poskići so swačina.

Wohnjowi wobornicy do Różanta

Džakna Boža mša wohnjowych wobornikow ze Zarjadniskeho zwjazka Při Klóšterskej wodže budže pjatk, 6. meje, w 19 hodź. w hnadownej cyrkwi w Róžeńće. Wšitcy wobornicy kaž tež hosćo su k tomu přeprašeni.

Z busom na zjězd katolikow

Štóz chce sej na 100. zjězd katolikow Němskeje do Lipska dojeć, ma k tomu z busom dvě móžnosći. Radworske Šmitec wozydłownistwo poskićuje jězbje sobotu, 28. meje, kaž tež njedźelu, 29. meje. Zajimcy měli so pola Šmitec w Radworju přizjewić, telefonowe čisło (03 59 35) 28 60.

Přindźće do Różanta!

Lubi młodostni, wutrobnje přeprašujemy was na putnikowanje młodžiny njedźelu, 22. meje, do Różanta. Boža mša budže w 10.30 hodź. Jej přizamknje so wobjed (1,50 € – całta, kołbaska, napoj, dalši napoj 0,50 €). Zakónčenje budže z hudźbnym nyšporom w 12.30 hodź.

Prosmy was, zo byšće so pěši na puć k Róžeńčanskej maćeri Božej podali. W kotrym času waš procesion woteńdže, so we wašich wosadach wozjewi.

Wutrobnje strowja farar Gabriš Nawka, Lucija a dekanatny kružk

Za putnikowanje do Krupki so přizjewić

Młodostni wot 16 lět su přeprašeni, wot njedźele, 3. julija, do Krupki putnikować. Woni nawróća so pjatk, 8. julija. Přizjewić měli so zajimcy hač do pjatka, 3. junija, w Chróścicach na farje, telefonowe čisło (03 57 96) 80 400. Po tym so přizjewjenja hižo njeprějimuja. Putnicy zetkaja so njedźelu, 5. junija, po nyšporje w Chróścicach na farje, štož je za wšitkich nowačkow winowatosć. Nyšpor započnje so w 14 hodź. Putniska Boža mša w Krupce budže srjedu, 6. julija, w 10 hodź.

Ministrantska kopańca

Na koparski turněr su ministranća ze serbskich wosadow přeprašeni. Tutón wotměje so sobotu, 18. junija, w Pěskecach. Započatk budže w 9.00 hodź. z Božej mšu we wjesnej cyrkwiće.

Kolesujo putnikować

K putniskemu tydženjej na kole přeprašuje Smochčanski Dom biskopa Bena wot 7. do 14. awgusta. Hornja Łužica ma mnohe rozdźělne kolesowarske puće, kotrež chcedza w tych dnjach nazhonić. Po puću su putnicy k rozmołwam, rozpominanju, čitanju a dalšemu přeprašeni. Čary powjedu po holi a hatach, po serbskich wsach, hornjołužiskich horach, podłu Łobja a Nysy. Etapy su wob džen něhdže 40 do 50 kilometrow dołhe. Zajimcy měli so w Smochčicach pod telefonowym čislom (03 59 35) 2 23 15 přizjewić.